

DEVELOPMENTAL DISABILITIES ADMINISTRATION (DDA)

Borotakoollada Indha-indheynta Maqaarka Skin Observation Protocols

Client's Name and Address

Client Representative's Name and Address

Gacaliye ,

Waxaan dhawaan sameeyay u-kuurgelidda baahiyadaada daryeelka iyo adeegga aniga oo adeegsanaya qalabka U-kuurgelidda Dhammeystiran iyo Qiimeynta Ka-warbixinta. Intii aan sameynayay u-kuurgelidaada DDA, aniga oo haysta macluumaad aan ka helay adiga iyo bixiyeyaasha daryeelkaaga, DDA waxay aqoonsatay fursad ay ku bixinayso macluumaad loogu talagalay adiga ama kuwa bixiya daryeelkaaga si loo sii wanaajiyo daryeelkaaga ku saabsan daryeelka maqaarka iyo indha-indhaynta maqaarka.

U-kuurgelidaada DDA ayaa go'aamisay in aad halis ugu jiri karto caafimaad-darrada maqaarka oo sabab u ah cadaadis, qooyaan, kaadi-ceshasho la'aan, ama dhaqdhaqaaq la'aan, kuwaas oo horseedi kara caabuq iyo xitaa dhimasho. Marka u-kuurgelidaada ay go'aamiso in aad halis ugu jirto caafimaad-darrada maqaarka, DDA wuxuu bilaabayaa Borotakoolka Indha-indhaynta Maqaarka (SOP). Tani waxaa ka mid ah u gudbinta kalkaaliso, taas oo sameyn doonta qiimeynta ama u-kuurgelidda maqaarka. Haddii aad jeclaan lahayd, bixiyaha daryeelkaaga caafimaadka wuxuu soo gudbin karaa warqad ku saabsan xaalada maqaarkaaga ee hadda, beddelkii kalkaalsida ay qandaraaska la gashey DDA. Haddii aad dooratey in kalkaaliso caafimaad ay kuu sameyso u-kuurgelida SOP, maareeyaha kiiskaaga ayaa kuula soo xiriirin doonna kalkaaliso caafimaad **shan (5) maalmood** gudahooda si ay kuugu qabanqaabiso u-kuurgelidda SOP. Haddii kalkaalisada caafimaadk aysan awoodin in uu ballan kuu qabto laba iskuday ka-dib ama bixiyaha daryeelkaaga caafimaad uusan DDA siinin waraaq loogu talagalay xaaladaada maqaarka ee hadda, maareeyaha kiiskaaga waxaa looga baahan yahay warbixin khasab ah oo loo marayo Adeegyada Ilaalinta Carruurta ama Adeegyada Ilaalinta Dadka Waaweyn.

Marka qofka uu halis ugu jiro caafimaad-darrada maqaarka oo sabab u ah cadaadis waxaa jira xoogaa daryeel aasaasi ah oo aad adigu bixin karto, ama adiga lagu siin karo, si loo xaqiijiyo in maqaarkaagu caafimaadqabo. Kuwan waa xoogaa talooyin guud oo la raaco.

1. Haddii aad u baahan tahay in lagaa caawiyo qubeyska ama daryeelka shakhsiyeed, weyddii qofka ku caawinayo in uu ka eego maqaarkaaga oo dhan, gaar ahaan goobaha lafaha leh ee jirkaaga isbeddelo kasta ee ku yimid muuqaalka maqaarka, oo ay ku jiraan heerkulka, goobaha bannaan, xanuun, iyo/ama ur.
2. Haddii aad naftaada qubeysan karto, maqaarkaaga ka eego wax isbeddelo ah xilliga qubeyska, oo ay ku jiraan heerkulka, goobaha bannaan, xanuun, iyo/ama ur.
3. Kala hadal bixiyahaaga daryeelka caafimaad isbeddellada ku yimid maqaarkaaga. Ha oggaadaan haddii aad dhibaato ku qabto baraha cadaadiska maqaarkaaga oo aan caadi ahayn ama raaxo l'aan ah. Weyddii in ay maqaarkaaga eegaan. Haddii aad qabto su'aalo ama walaacyo ku saabsan maqaarkaaga, weyddii bixiyaha daryeelkaaga caafimaadka talooyinka ku saabsan daryeelka maqaarka. Haddii aad qabto caafimaad-darrada maqaarka ama dhaawacyada cadaadiska, hubso adiga iyo bixiyeyaasha daryeelkaaga in aad fahamsan tihin sida loo daryeelo goobta.
4. Waraaqdan waxaa ku lifaaqan agab waxbarasho oo ka caawinaya adiga iyo bixiyeyaashaaga daryeelka in aad fahamtaan muhiimadda daryeelka maqaarka iyo dhaawacyada cadaadiska.

Haddii aad qabto su'aalo ku saabsan daryeelka maqaarkaaga, ama isbeddellada muuqaalka maqaarkaaga, waa in aad isla-markiiba wacdaa dhakhtarkaaga ama bixiyaha kale ee daryeelka caafimaadka.

Haddii aad qabto su'aalo ku saabsan macluumaadkan, fadlan kala xiriir Maareeyahaaga Kiiska / Kheyraadka, , lambarka . Isaga / iyada ayaa kuu gudbin doonna kalkaaliso ama kheyraadka daryeel caafimaad kale si aad u hesho macluumaad dheeraad ah.

Si daacad ah,

DDA Maareeyaha Kiiska / Kheyraadka
Ku Lifaaqan